

Huldeblyk aan Piet Barnard

Piet Barnard was van Jan. 1975 lidmaat van Rietfontuin-Suid Gemeente. Hy was van die begin af betrokke by verskillende aktiwiteite, onder andere, ouderling en Sondagskoolonderwyser vir katkisasie en volwassenes. Hy was ook by die sendingaksie en gebedsbediening betrokke.

Piet het 'n besondere musiek talent gehad en het in die koor gesing. Hy het ook op 'n stadium die voorsang in die gemeente behartig. Piet was die Kuierhoekie se "orrel". Wanneer Piet nie daar was nie, was Kuierhoekie se sang net nie dieselfde nie. Piet en Helga was ook 'n begaafde duetpaar

Hy het 'n besondere gawe ontvang om te dig en het van sy gedigte, asook teksgedeeltes, berym. Daar is verskeie van sy berymings in Kuierhoekie se sangbundel opgeneem.

Piet het ook 'n fyn humorsin gehad en het Kuierhoekie telkemale laat skater van die lag met sy spitsvondige sêgoed.

Hy was ook bekend vir sy besonder wye kennis van die Bybel en Kategismus. Hy het nie gehuiwer om die predikante aan te vat as hy nie met hulle saamgestem het nie.

Piet was besonder lief vir en trots op die Afrikaanse taal. Hy het begin met die spreuke wat Kuierhoekie elke Sondag op die bord vertoon. "Wanneer jy God in elke aspek van jou lewe insluit, word jy 'n deelgenoot van Sy vrede. Dan besit jy 'n skat wat God alleen kan skenk", was die laaste spreuk wat Piet bygedra het.

Hy was 'n baie gelowige mens. Wanneer jy vir hom gevra het hoe dit gaan, was sy antwoord altyd: "n dag nader aan die ewigheid". Dié dag het op 11 Mei 2016 vir hom aangebreek.

Piet, jou plek in Kuierhoekie sal leeg wees en ons sal jou baie mis. Ons groet jou met die spreuk (aangepas) wat jy vir Ds Dirk en Cecile gegee het met hulle vertrek na Estcourt/Moorivier deelgemeente.

Mag die Here jou Eskort wees tot op die walle van Sy Mooirivier, die bloed van Sy Seun, waarin jy na behoefte kan gaan om gewas te word".

Die Kuierhoekie



JAARTEMA:
GESTUUR

Junie 2016

"GESTUUR..." na verlorenes

God het 'n hart vir verlorenes! Hy stuur ons na hulle om hulle van Jesus te gaan vertel.

Daar is 7 biljoen mense in die wêreld:

2 biljoen mense ag hulself Christene. Maar onder hulle is daar verlorene (mense wat nie 'n persoonlike verhouding met Jesus het en in Hom glo nie);

2.5 biljoen het iewers die blye evangelie gehoor, maar glo nie in Jesus nie (hulle bly Moslems, Hindoes, ensovoorts);

2.5 biljoen het nog nie gehoor van Jesus nie!

NB: Dit beteken nie dat daar sekere lande is waar *geen* mense gehoor het, terwyl daar ander lande, byvoorbeeld SA, is waar *almal* al van Jesus gehoor het nie. Die ware prentjie is dat daar sekere lande is waar meeste mense al gehoor het, maar tog mense het wat nog nie gehoor het nie. En dan is daar lande waar meeste mense *nog nie* van Jesus gehoor het nie.

Baie mense het nog nooit enigiets van Jesus gehoor nie. Ander het weer iets gehoor, maar dit was net so skramsweg, net so half in die verbygaan: hulle weet nie regtig waaroor dit gaan nie, hulle maak verkeerde afleidings oor die evangelie en Christene, daar is geen opvolggesprekke of die ontvang van 'n Bybel nie.

Selfs hier in die Moot is daar mense wat nog nie die evangelie oordentlik gehoor het nie. Wat nie gehoor het "Net Jesus" nie. Party probeer by God uitkom maar doen dit deur beter te probeer leef, minder

Ons Visie: Deur Christus-liefde gee ons vir almal om

verkeerd te doen, goed te wees vir armes. Hulle lees selfs nou en dan Bybel en woon kerkdienste by. **Maar hulle glo nie in Jesus en wat Hy vir hulle gedoen het nie.** 1 Joh 5:12 leer vir ons: "Wie die Seun het, het die lewe. Wie nie die Seun van God het nie, het ook nie die lewe nie".

Hulle bly verlore: die Bybel is duidelik daarvoor dat dit net diegene is wat in Jesus glo, wat nie verlore sal gaan nie, maar die ewige lewe sal hê (Johannes 3:16).

Hulle is verdwaal en raak al hoe verder verwyder van God agv hul eie sonde wat tussen hulle en God staan. Die sonde bring verduistering tussen hulle en God. Hulle dryf al verder weg van God met hul sonde wat tussen hulle en God staan. Hoe meer en langer hulle doen en leef soos die wêreld en satan voorskryf, hoe groter raak die kloof tussen hulle en God. **Hulle het nodig om te hoor dat Jesus die Een is wat hulle met God kan en wil versoen.**

Hulle ervaar leegheid. Hulle is daarvan bewus dat daar iets in hul lewe kortkom. Hulle probeer dit vul met dinge soos partytjies, drank, dwelms, geld, vinnige motors, verhoudings. Hulle weet nie en besef nie dis God, die Een wat hulle gemaak het, na wie hulle 'n soeke en 'n verlangete het nie. **As Christene moet ons hulle gaan inlig!**

Hulle ken nie die pad na God nie. Ons dink dat almal in SA / in die Moot mos weet dat hulle in Jesus moet glo. Daarom vertel ons nie vir hulle wat Jesus self gesê het nie: "Ek is die Weg, die Waarheid en die Lewe. Niemand kom na die Vader toe behalwe deur My nie" (Johannes 14:6).

BR/SR, EK EN JY MOET VIR HULLE GAAN VERTEL! Jesus sê vir jou en my in Joh 20:21:

"Soos die Vader My gestuur het, stuur Ek julle ook".

BOOMSLOPINGS & SNOEI

GRATIS KWOTASIE

VERSEKERING

KONTAK ERNST by 083 656 4992

www.treecarepta.co.za

- - - - DATUMS VAN BELANG - - - -

- ♦ **12 Junie:** Youthbash @ 18:00
- ♦ **16 Junie:** Vakansiedag (Jeugdag)
- ♦ **17 Junie:** Skoolvakansiedag
- ♦ **24 Junie:** Skole sluit

Sien jou daar!

On the darkest days when I feel
inadequate, unloved and unworthy,
I remember whose daughter I am
and I straighten my Crown!



KITAAR, DWARSFLUIT EN SAKSEFOON KLASSE



KITAAR: leer speel en sing heerlijk saam,
Kinders (vanaf ± 7jr, moet kan lees) en Volwassenes.
Klasse in die Moot. BILLIKE tariewe.
Kom maak jou musiek-droom waar!
Bied ook Saksefoon en Dwarsfluit aan, 18jr in orkes gespeel.



Kontak Kobus Nel 082 961 9425.